

II. FORMULACIÓN E RESOLUCIÓN DUN PROBLEMA DE PROGRAMACIÓN LINEAL

Nesta sección propoñeremos un caso realista que pode ser modelado usando técnicas de programación lineal. O obxectivo é dobre, xa que ademais de ilustrar o exposto na sección anterior, abordárase a súa resolución. Dado que se trata dun problema con dúas únicas variables de decisión, será fácil observar a súa resolución dende o punto de vista gráfico. Ademais, ilustrárase o emprego de *software* libre na resolución desta clase de problemas.

O PROBLEMA DA EMPRESA DE PINTURAS

Unha empresa fabrica pintura para exteriores e pintura para interiores. A empresa debe decidir a cantidade (en toneladas) que vai fabricar de cada tipo de pintura, sabendo que por cada tonelada de pintura de exteriores gañará 5.000 euros, e por cada tonelada de pintura para interiores gañará 4.000 euros. Non obstante, debe respectar certas restricións:

- Hai dúas materias primas A e B, das que só se dispón de 24 e 6 toneladas, respectivamente.
- Cada tonelada de pintura de exteriores require de 6 toneladas da materia prima A e 1 tonelada da materia prima B.
- Cada tonelada de pintura de interiores require de 4 toneladas da materia prima A e 2 toneladas da materia prima B.
- Ademais, unha enquisa de mercado indica que a demanda de pintura para interiores non pode ser maior que 1 tonelada máis que a de pintura para exteriores.
- Por último, sábese que a demanda máxima de pintura para interiores é de 2 toneladas.

OBXECTIVO: Cal é a cantidade óptima que se debe producir de cada tipo de pinturas?

FORMULACIÓN DO PROBLEMA: Se denotamos por x a cantidade de toneladas para producir de pintura de exteriores e por y a cantidade de toneladas de pintura de interiores, a ganancia pola produción é $5x + 4y$, de maneira que hai que determinar os valores de x e y que maximicen a devandita ganancia.

Á vez, as restricións tamén se poden expresar en termos de x e y , de maneira que a formulación completa se poida representar como segue.

$$\begin{aligned} & \text{maximizar } 5x + 4y \\ & \text{suxeito a } 6x + 4y \leq 24 \\ & \quad x + 2y \leq 6 \\ & \quad -x + y \leq 1 \\ & \quad y \leq 2 \\ & \quad x \geq 0, y \geq 0. \end{aligned}$$

II. i. RESOLUCIÓN MEDIANTE O PROGRAMA R

Nesta sección mostramos os pasos a seguir para resolver un problema de programación lineal no software **R**, que pode obterse libremente dende <https://cloud.r-project.org/>. Unha vez instalado, necesitamos dispoñer do paquete `lpSolveAPI`, que será o que nos permita tratar tales problemas. Para iso, abrimos **R** e escribimos a orde `install.packages("lpSolveAPI")`. Este paquete só necesita instalarse a primeira vez que o imos empregar.

Paso 1: carga da libraría e construción do problema

En primeiro lugar cargamos a libraría `lpSolveAPI`. Logo construímos un problema de programación lineal con 4 restricións e 2 variables, mediante a función `make.lp()`.

```
> library(lpSolveAPI)
> pintura <- make.lp(4,2)
> pintura
Model name:
  Minimize    C1    C2
R1            0    0 free 0
R2            0    0 free 0
R3            0    0 free 0
R4            0    0 free 0
Kind          Std  Std
Type          Real Real
Upper         Inf  Inf
Lower         0    0
```

Paso 2: coeficientes da función obxectivo e das restricións

Introducimos os coeficientes das variables na función obxectivo e nas restricións utilizando as funcións `set.objfn()` e `set.row()`, respectivamente.

```
> set.objfn(pintura,c(5,4))
> set.row(pintura,1,c(6,4))
> set.row(pintura,2,c(1,2))
> set.row(pintura,3,c(-1,1))
> set.row(pintura,4,c(0,1))
> pintura
Model name:
  Minimize    C1    C2
R1            6    4 free 0
R2            1    2 free 0
R3           -1    1 free 0
R4            0    1 free 0
Kind          Std  Std
Type          Real Real
Upper         Inf  Inf
Lower         0    0
```

Paso 3: signo das restricións e lados dereitos

Mediante a función `set.constr.type()`, indicamos que as restricións son de " \leq ". Logo, introducimos os valores dos lados dereitos das restricións utilizando `set.rhs()`.

```
> set.constr.type(pintura,rep("<=",4))
> set.rhs(pintura,c(24,6,1,2))
> pintura
Model name:
Minimize    C1    C2
R1          6    4 <= 24
R2          1    2 <=  6
R3         -1    1 <=  1
R4          0    1 <=  2
Kind        Std    Std
Type        Real  Real
Upper       Inf   Inf
Lower       0     0
```

Paso 4: tipo de problema de optimización

A continuación, debemos indicar que o obxectivo é maximizar, para o cal empregamos a función `lp.control()`.

```
> lp.control(pintura,sense="max")
> pintura
Model name:
Maximize    C1    C2
R1          6    4 <= 24
R2          1    2 <=  6
R3         -1    1 <=  1
R4          0    1 <=  2
Kind        Std    Std
Type        Real  Real
Upper       Inf   Inf
Lower       0     0
```

Paso 5: resolución do problema

Empregamos a función `solve()` para resolver o noso problema de optimización.

```
> solve(pintura)
[1] 0
```

Que a saída sexa 0 significa que se atopou unha solución factible óptima ao noso problema.

Paso 6: valores das variables, función obxectivo e lados esquerdos das restricións no óptimo




Mediante as funcións `get.variables()`, `get.objective()` e `get.constraints()`, podemos obter os valores das variables, a función obxectivo e os lados esquerdos das restricións, respectivamente, no óptimo.

```
> get.variables(pintura)
[1] 3.0 1.5
> get.objective(pintura)
[1] 21
> get.constraints(pintura)
[1] 24.0 6.0 -1.5 1.5
```

Representación gráfica

Para representar o conxunto factible debemos empregar a función `plot.lpExtPtr()`. Unha vez construído o conxunto factible, definimos as curvas de nivel da función obxectivo e representámolas sobre a gráfica que contén o conxunto factible mediante a función `contour`. Finalmente, engadimos sobre esta gráfica o punto onde se alcanza a solución óptima, (3, 1.5), para o cal empregamos a función `points`.

```
> plot.lpExtPtr(pintura)
> xs <- seq(0,10,length=1000)
> ys <- seq(0,10,length=1000)
> f <- function(x,y){5*x+4*y}
> zs <- outer(xs,ys,FUN=f)
> contour(xs,ys,zs,levels=c(13,17,21,25),
+        col="red",add=TRUE)
> points(3,1.5,col="red",pch=16,cex=1.5)
```



II. ii. RESOLUCIÓN MEDIANTE A FOLLA DE CÁLCULO DE LIBREOFFICE

Nesta sección mostramos os pasos a seguir para resolver un problema de programación lineal mediante a folla de cálculo da ferramenta *LibreOffice*, que pode obterse libremente dende <https://es.libreoffice.org/>.

Paso 1: novo ficheiro e introdución dos datos do problema

En primeiro lugar, abrimos unha folla de cálculo nova en *LibreOffice* e introducimos os **datos** do problema: coeficientes das restricións e da función obxectivo. É útil titular as celas da folla e mesmo usar cores.

Tipo de pintura -->	Exteriores	Interiores		
Cantidad a producir -->			Valor obtido	Máximo
	6	4	24	← Materia prima A consumi
	1	2	6	← Materia prima B consumi
	-1	1	1	← Diferenza producións
	0	1	2	← Demanda interiores
Ganancia/tipo de pintura -->	5	4		
Total -->				

Paso 2: inicialización das variables e función obxectivo

Inicializamos as **variables** do noso problema a 0. Na cela **B9**, por exemplo, introducimos a **función obxectivo** por medio do comando SUMARPRODUTO.

Tipo de pintura -->	Exteriores	Interiores		
Cantidad a producir -->	0	0	Valor obtido	Máximo
	6	4	24	← Materia prima A consumi
	1	2	6	← Materia prima B consumi
	-1	1	1	← Diferenza producións
	0	1	2	← Demanda interiores
Ganancia/tipo de pintura -->	5	4		
	=SUMARPRODUTO(B2:C2;B8:C8)			

Paso 3a: a función dunha restrición

Na cela **D4** introducimos a función que define a **primeira restrición** novamente por medio do comando SUMARPRODUTO.

Tipo de pintura -->	Exteriores	Interiores		
Cantidad a producir -->	0	0	Valor obtido	Máximo
	6	4	0	← Materia prima A consumi
	1	2	6	← Materia prima B consumi
	-1	1	1	← Diferenza producións
	0	1	2	← Demanda interiores
Ganancia/tipo de pintura -->	5	4		
Total -->	0			


Paso 3b: as funcións das restantes restricións

De forma análoga introdúcense as funcións que definen as **restantes restricións**.

Tipo de pintura -->	Exteriores	Interiores		
Cantidad a producir -->	0	0	Valor obtido	Máximo
	6	4	0	← Materia prima A consumi
	1	2	0	← Materia prima B consumi
	-1	1	0	← Diferenza producións
	0	1	0	← Demanda interiores
Ganancia/tipo de pintura -->	5	4		
Total -->	0			


Paso 4: ferramenta *solucionador* e identificación de variables, tipo de obxectivo e restricións

A continuación, no botón “Ferramentas” do menú superior seleccionamos “Solucionador” e aparece un cadro de diálogo. No cadro, indícase que a cela de destino (obxectivo) atópase na cela B9, que o tipo de obxectivo é de Máximo e que as celas cambiantes (variables) son B2 e C2. En canto ás Condicións limitadoras (restricións), indicamos que as referencias de celas (funcións) están entre as celas D4 e D7, todas as restricións son de tipo “≤” e os valores (lados dereitos das restricións) atópanse entre as celas E4 e E7.




Paso 5: opcións da ferramenta *solver*

Xa só nos queda entrar en Opcións (parte inferior do cadro de diálogo), marcar en Supoñer variábeis non negativas e seleccionar un Solucionador lineal.



Paso 6: visualización da solución óptima

Unha vez aceptadas as opcións seleccionadas e tras pulsar no botón de Solucionar e Manter o resultado, nas celas correspondentes ás variables do problema podemos ver a súa **solución óptima** (3 e 1,5), a cela da función obxectivo mostrará o seu valor óptimo (21) e nas celas dos lados esquerdos das restricións, os seus valores no óptimo.



Referencias:

[1] Hillier, F. & Lieberman, G. (2010). Introducción a la investigación de operaciones. McGraw-Hill.